

Ilaqtariinnermut Inatsisinillu atortitsinnermut Naalakkersuisoq
Landsstyremedlem for Familie og Justitsvæsen



Inatsisartunut ilaasortaq Agathe Fontain/
Maani

Tusilartunut siunnersuisup inissinneqarnissaa pillugu apeqquut pillugu.

4. april 2006
J.nr. 01.20.05

Sisimiuniit Nuummut tusilartunut siunnersuisup nuunneqarnissaanut pilersaarut pillugu Inatsisartut Suleriaasianni § 36, imm. 1 naapertorlugu Naalakkersuisunut apeqquutit matumuuna akissuteqarfigissavarput.

Postboks 260
3900 Nuuk
Oq/tel +299 34 50 00
Fax +299 32 45 47
ilapi@gh.gl
www.nanoq.gl/ilapi

Aallarniutigalugu ilisimatitsissutigissavara Ilaqtariinnermut Pisortaqarfiup ulluinnarni ingerlatsinnermut aaqqissuunneqarnera Ilaqtariinnermut Pisortaqarfimmilu sulisoqarnikkut isumalluutit aaqqissuunneqarnerat tassaammata Ilaqtariinnermut Pisortaqarfiup oqartussaaffigisai.

Taamaalliluni Ilaqtariinnermut Pisortaqarfiup akisussaaffigaa pisortaqarfiup iluani aaqqissuussinermi suliassaqarfik qanoq isiginiarneqartiginersoq sullinneqarnerorlu nalilissallugu. Aaqqissuussinermi ilinniakkatigut inuillu isumalluutit atorneqarsinnaasut neqeroorutillu pisortaqarfiup ataaneersut atuisunit annertunerpaamik atorneqarnissaat iluaqutigineqarnissaallu Ilaqtariinnermut Pisortaqarfimmit nalilersorneqassapput.

Tusilartunut aaqqissuussinermut tunngatillugu Ilaqtariinnermut Pisortaqarfimmit iluaqutaasut ajoqutaasullu oqimaalutarneqassapput. Ilaatigut uani pineqarpoq tusilartut sinerissami assigiinngitsuni najugaqartitertut pitsaanerpaamik pisariaqartitaasa isiginiarneqarnissaat.

Inuit piginnaaneqarluartut Sisimiuni nassaassaapput, tusilartut ussersuutaannik ussersorsinnaasut, inooqataanikkut perorsaanikkullu neqerooruteqarsinnaasut ilinniartitsisinnaasullu. Sisimiuni ukiuni marlunni tusilartunut siunnersuisoqannginneratigut ilisimasat katersorneqarsimasut minnerulernaviangillat.

Tusilartunut siunnersuisut ilaatigut tusilartut ussersuutaannik pikkorissartitsiartorlutik, angerlarsimaffinnut tikeraarlutik ilitsersuiartorlutik kiisalu kommuninut tikeraarlutik ilitsersuiartorlutik angalasarsimapput. Tamatuma malitsigisaanik Uluiit tusilartunullu atuarfik Sisimiuniittoq illoqarfimmi tusilartunut siunnersuisoqartarsimangillat.

Ilaqtariinnermut Pisorta qarfiup nalilerpaa nuna tamakkerlugu tusilartunut sullissinnermut pisorta qarfimmi innarluutilinnut sullissisunut peqataatillugu tusilartunut siunnersuisoq inissikkaanni iluaqutaasorujussuussasoq . Tusilartunut siunnersuisoq innarluutilinnut sullissisut suleqatigitillugit nuummut aalajangersimasumik inissikkaanni suliassanik suliarinninnissamut malinnaanissamullu qinnuteqaatinillu suliaqarnissamut nukissaqarfigineqarnerulissapput, peqatigisaanillu ataatsimut ilisimasat piginnaasallu Sisimiuniinnaq eqikkarsimassanatik. Tusilartunut siunnersuisup aaqquissuussinikkut inissisimaffiata allanngortinneqarnera annerusumik suliassanik kivitsinnaalersitsissaaq. Taamaattumik Ilaqtariinnermut Pisorta qarfiup aaqquissutissatut aaqquissuussineq naammassineqarnissaata tungaanut suliaralugu ingerlateqqinniarpaa.

Inussiarnersumik inuulluaqqusillunga

Aleqa Hammond